

四庫未收書輯刊編纂委員會編

四庫未收書輯刊

北京出版社

貳輯·陸冊

四庫未收書輯刊

四庫未收書輯刊編纂委員會編

北京出版社

〔明〕胡文煥輯

新刻胡氏詩識三卷

明萬曆二十一年自刻本

貳輯・陸册目錄

新刻胡氏詩識三卷〔明〕胡文煥輯

一

毛詩正本二十卷〔清〕陳梓輯

六一

毛詩明辨錄十卷〔清〕沈青崖撰

二二九

詩經逢原十卷〔清〕胡文英撰

三五五

毛詩通說二十卷首一卷補遺一卷〔清〕任兆麟撰

五七九

三百篇原聲七篇〔清〕夏味堂撰

七四九

〔明〕胡文煥輯

新刻胡氏詩識三卷

明萬曆二十一年自刻本

胡氏詩識序

仁和莊汝敬脩甫撰

詩自西河授旨來于漢則毛萇韓固生鳴
于齊魯間稱為顯門迄宋而訓述始著蓋
詩限於篇章或欲叶吟咏其間向多隱奧
非註莫為昭揭與諸書不同而世之期據
苞塞之蘊者又多循章習句斤斤守程而
已於明經固無裨也茲籍適羣詩之註而

胡氏詩識序

六〇

乙

彙之又羣其所為彙者以類從焉如某註
即集之某類令後操觚求津者誠可一目
了然則毛韓氏固其所先幟歟噫德甫固
素業易悅詩以學而深有得也能一旦冥
會四始建三百之旌而弁髦之德甫固興
於詩者乎詩其翼矣若曰是割裂之也是
以奇騏而欲矩步之也腐甚矣

序畢

胡氏詩識序

夫子曰小子何莫學夫詩詩可以興
可以觀可以羣可以怨邇之事父遠
之事君多識於鳥獸草木之名噫詩
而若此詩可弗學歟余固學之矣顧
每欲考其事物則恆艱於檢覈余不
揣迺以朱子所集註內擇其要而采

胡氏詩識序

六〇

乙

之分其類而編之名之曰胡氏詩識
蓋竊取夫子學詩多識意也書成質
之余友毛韓二氏二氏見而喜之曰
子可謂不虛業此矣而吾輩又得羽
翼矣今也此書之出匪特世之業此
者稱利即客此者得以窺詩之旨識
詩之蘊矣匪特世之文人詩客為稱

利卽農工商賈之流亦得以藉此之用矣卽輶軒之方言劉熙之釋名蔡邕之獨斷郭璞之爾雅崔豹之古今注張華之博物志等書寧能與出自經傳者同驅並駕哉余曰子固過於論矣獨奈糟粕而咀嚙之如人之見哂何二氏曰不然夫事有連橫者有

胡氏詩話序

八〇

二

合縱者亦各言其志耳矧咀嚙糟粕吾儒業所當然何傷乎苟以是而見哂則其不能咀嚙者反無哂矣然則哂之者亦獨何歟且也采要以廣其傳類編以利乎世其有裨於是經殊不淺也是人方將利之藉之而反哂之乎吾故曰不然子第梨之以表子

之志可也余遂唯唯付諸梨以與好多識者共焉不敢望其必臻於興觀羣和也不敢望其必得夫事父事君之道也若曰朱子集之而余乃分之誠無足取用者卽請以覆糟粕之甕余將不待立哂而已先哂之矣又何多識之足云

胡氏詩話序

八〇

三

省

萬曆癸巳燈宵錢唐胡文煥德父謨



序畢

新刻胡氏詩識類目

卷之上

天文類

時令類

占候類

地理類

封建類

風俗類

宮室類

人物類

人倫類

人事類

身體類

飲食類

稱呼類

姓氏類

禮制類

冠服類

樂舞類

卷之中

官制類

軍旅類

制作類

胡氏詩識類目

器物類

農桑類

五穀類

花木類

飛禽類

走獸類

鱗介類

昆蟲類

珍寶類

聲色類

數目類

事實類

引用類

比喩類

辨析類

卷之下

要句類

訓詁類

新刻胡氏詩識類目

新刻胡氏詩識卷之上

天文類

明錢唐胡文煥德父類編

參昴西方二宿之名 定北方之宿營室星也此星
昏而正中夏正十月也於是時可以營制宮室故謂
之營室 明星啓明之星先日而出者也 三星心
也在天昏始見於東方建辰之月也 隅東南隅也
昏見之星至此則夜久矣 戶室戶也戶必南出昏
見之星至此則夜分矣 南箕四星二為躔二為舌
其躔狹而舌廣則大張矣 織女星名在漢荀三星
胡氏詩識卷上

其先日而出故謂之啓明以其後日而入故謂之長
庚蓋金水二星常附日行而或先或後但金大水小
故獨以金星為言也 天畢畢星也狀如掩兔之畢
箕斗二星以夏秋之間見于南方云北斗者以其
在箕之北也或曰北斗常見不隱者也 舌下二星
也 南斗柄固指西若北斗而西柄則亦秋時也
離月所宿也畢星名 雲漢天河也在箕斗二星之
間其長竟天 伯馬祖也謂天駟房星之神也 蒼
天者據遠而視之蒼蒼然也 穹蒼天也穹言其形

蒼言其色 日旦必出東方月望亦出東方 交日
月交會謂晦朔之間也曆法周天三百六十五度四
分度之一左旋於地一晝一夜則其行一度而又過
一度日月皆右行於天一晝一夜則日行一度月行
十三度十九分度之七故日一歲而一周天月二十
九日有奇而一周天又逐及於日而與之會一歲凡
十二會方會則月光都盡而為晦已會則月光復蘇
而為朔朔後晦前冬十五日日月相對則月光正滿
而為望望後朔而日月之合東西同度南北同道則月
掩日而日為之食望而日月之對同度同道則月亢
胡氏詩識卷上 一六〇
日而月為之食是皆有常度矣 月上弦而就盈日
始出而就明 七襄傳曰反也箋云駕也駕謂更其
肆也蓋天有十二次日月所止舍所謂肆也經星一
晝一夜左旋一周而有餘則終日之間自卯至酉當
更七次也 終風終日風也 南風謂之凱風長養
萬物者也 東風謂之谷風 北風寒涼之風也涼
寒氣也 飄風暴風也 朝隣雲氣升騰也 白雲
水土輕清之氣當夜而上騰者也露即其散而下降
者也 震雷也 霾雨土蒙霧也 陰而風曰霾
霆疾雷也 蜺蜺虹也日與雨交條然成質似有血

氣之類乃陰陽之氣不當交而交者蓋天地之淫氣
也在東者莫虹也虹隨日所映故朝西而莫東也
隣升也周禮十輝九曰隣注以為虹蓋忽然而見如
自下而升也 今俗謂虹能截雨信然 同雲雲一
色也將雪之候如此 雲欲盛盛則多雨而欲徐徐
則入土 霰雪之始凝者也將大雨雪必先微溫雪
自上下遇溫氣而搏謂之霰久而寒勝則大雪矣
霏雨雪分散之狀 旭日初出貌 雲雪盛貌 溥
露多貌 瀼瀼亦露多貌 皚皚陰貌 瀼瀼露蓄
貌 泥泥露濡貌 湛湛露盛貌 陽日晞乾貌
胡氏詩識卷上 一六〇
燁燁電光貌 曉明星貌 淅雲興貌 霏霏雪甚
貌 霏霏雪貌霰霰小而貌 東方明則日將出
回風謂之飄 遲遲日長而暄也 暝日氣也 濛
雨也 清風清微之風化養萬物者也 淒寒風也
晦昏也 恒弦升出也 晰晰小明也 皎月光
也 明發謂將旦而光明開發也 淒淒涼風也
冥冥昏晦也 類與耿同小明也 旦明也 肅霜
氣肅而霜降也
時令類
崇終也從旦至食時為終朝 宵夜也 暮晚也

鄉晨近曉也 昧晦旦明也昧旦天欲旦昧晦未辨之際也 蟄飛夜將旦而百蟲作也 夏日永冬夜永 蟄蟲熱氣也 赫赫旱氣也 焮焮熱氣也 質蘇蓋初夏之時也 七月斗建申之月 流下也火大火心星也以六月之昏加于地之南方至七月之昏則下而西流矣 九月霜降始寒而蟄續之功亦成故授人以衣使禦寒也 一之日謂斗建子一陽之月二之日謂斗建丑二陽之月也 變月言日言是月之日也 腐發風寒也 栗烈氣寒也 歲夏正之歲也 蟄月治蠶之月 陽十月也 六月建未月 戊剛日也 庚午亦剛日也 正月夏之四月謂之正月者以純陽用事為正陽之月也 十月以夏正言之建亥之月也 夏之四月為純陽故謂之正月十月純陰疑其無陽故謂之陽月 四月六月建巳建未之月也 二月建卯月也 初吉朔日也 莫春斗柄建辰夏正之二月也 春秋錯舉四時也

占候類

龜曰卜著曰筮體兆卦之體也 春秋日食必書而月食則無紀 日食天變之大者也然正陽之月古

尤忌之 景考日景以正四方也 景測景以正方面也 將陰雨則穴處者先知故蟻出垤 或曰夢之有占何也曰人之精神與天地陰陽流通故晝之所為夜之所夢其善惡吉凶各以類至 旄郊野所建統人少旗州里所建統人多蓋人不如魚之多旄所統不如旗所統之眾故夢人乃是魚則為豐年旄乃是旗則為人眾 契所以然火而灼龜者也儀禮所謂楚燎是也或曰以刀刻龜甲欲鑽之處也 卜筮數則瀆而龜厭之故不復告 豕涉波月離畢將雨之驗也

地理類

山脊曰岡 石山戴土曰岨 山無草木曰岵 山有草木曰岵 山頂曰冢 山南曰陽 山西曰夕陽 山東曰朝陽 山大而高曰崧 山夾水曰澗 巔山頂也 紀山之廉角也堂山之寬平處也 崔嵬山巔也 萃崔嵬也謂山巔之末也 崔嵬上山之戴石者 嶽山頂也 旱山名麓山足也 前高後下曰旄丘 亦高丘也 偏高曰阿丘 四方高中穴下曰宛丘 廣丘曰陵 高平曰原 廣平曰原 大陸曰阜大阜曰陵皆高大之意 高岸峭

陷故為谷深谷填塞故為陵 曲陵曰阿 高平曰
陸 阿大陵也 六陵曰阿 阿曲阿也 郊外曰
野 陂者曰阪 阪田崎嶇境塙之處也 邑國都
之處也 九圍九州也 邑外謂之郊 郊外謂之牧
牧外謂之野 野外謂之林 林外謂之甸 下邑曰都
牧外野也 曹羣牧之處也 岡登高以望也
十畝之間 郊外所受場圃之地也 十畝之外 鄰圃
也 圃者圃之藩 其內可種木也 樊藩也 圃菜圃
也 火田為燎 遠九達之道 闔曲城也 闔城臺
也 墉城塹池 域封境也 城猶國也 庸城也
言因謝邑之人而為國也 鄭氏曰 庸功也 為國以起
其功也 畿門內也 巷門外也 北門背陽向陰
東門城東門也 疆者為之大界也 理者定其溝
壑也 疆謂畫其大界 理謂別其條理也 居國中
也 圍邊陸也 農郊近郊也 土地也 巷里塗也
墀除地町町者 域塋域也 居墳墓也 室墀
也 穴墀也 墓門凶僻之地 多生荆棘 墳大防
也 楊園下地也 泮涯也 畝丘高地也 塗凍
釋而泥塗也 隰下濕之處 宜桑者也 畝治其田
疇也 土治曰平 水治曰清 城隅幽僻之處 里

二十五家所居也 三十里一舍也 古者吉行日五
十里 師行日三十里 百室一族之人也 五家為比
五比為閭 四閭為族 徹井其田也 畝壟也 徹
行小徑也 周道大路也 周道大道也 周行大
道也 景行大道也 長道猶大道也 場圃也
徹定其經界 正其賦稅也 巖巖積石貌 河北方
河水之通名 洲水中可居之地 沚水渚也 鴈
深水可涉處也 小渚曰坻 小渚曰沚 岸上曰
許 水涯曰涘 側出曰汎泉 石絕水曰梁 梁
堰石障水而空其中 以通魚之往來者也 水決復
入為汜 數澤也 沮水水浸處下濕之地 一曲
謂水曲流處 泌泉水也 防人所禁以捍水者
下泉泉下流者也 卑澤中水溢出所為坎 干水
涯也 梁橋也 作船于水比之而加版於其上 以通
行者 即今之浮橋也 壘水流峽中兩岨如門也
鞠水外也 行潦流潦也 沼池也 沚沚也 濱
涯也 陂澤障也 渚小洲也 坻水中之高也
檻泉正出也 渚水中高地也 亂舟之截流橫
渡者也 連風行水成文也 淪小風水成文轉如
輪也 涓水草之交也 澱水會也 流泉水泉灌

澗之利也 翁河河善泛溢今得其性故翁而不為
暴也 直波文之直也 汚水流滿也 汙停水也
渙渙春水盛貌蓋冰解而水散之時也 汜江之
別處 水草交謂之蘼 滅城溝也方十里為成
間有溝深廣八尺 粼粼水清石見之貌 感沸泉
出貌又泉湧貌 浮浮水盛貌滔滔順流貌 汎流
貌 瀾水滿貌 沕泉始出之貌 活活流貌 湯
湯水盛貌 悠悠流貌 揚揚也水緩流之貌
洋洋水流貌 湯湯波流盛貌 滔滔大水貌 瀧
流貌

胡氏詩義卷上

八〇

八

封建類

周國名南南方諸侯之國也周國本在禹貢雍州境
內岐山之陽后稷十三世孫古公亶父始居其地傳
子王季歷至孫文王昌辟國寢廣於是徙都于豐而
分岐周故地以為周公旦召公奭之采邑且使周公
為政於國中而召公宣布於諸侯蓋三分天下而有
其二焉至于子武王發又遷于鎬遂克商而有天下武
王崩子成王誦立周公相之制作禮樂 召地名召
公奭之采邑也舊說扶風雍縣南存召亭即其地今
雍縣析為岐山天興二縣未知召亭的在何縣 邠

鄘衛三國名在禹貢冀州西阻太行北逾衛漳東南
跨河以及兗州桑土之野及商之季而紂都焉武王
克商分自紂城朝歌而北謂之邶南謂之鄘東謂之
衛以封諸侯邶鄘不詳其始封衛則武王弟康叔之
國也衛本都河北朝歌之東淇水之北百泉之南其
後不知何時并得邶鄘之地至懿公為狄所滅戴公
東徙渡河野處漕邑文公又徙居于楚丘朝歌故城
在今衛州衛縣西二十二里所謂殷墟衛故都即今
衛縣漕楚丘皆在滑州大抵今懷衛澶相滑濮等州
開封大名府界皆衛境也 黎國在衛西 王謂周

胡氏詩義卷上

八〇

九

東都洛邑王城畿內方六百里之地在禹貢豫州大
華外方之間北得河陽漸冀州之南也周室之初文
王居豐武王居鎬至成王周公始營洛邑為朝會諸
侯之所自是謂豐鎬為西都而洛邑為東都至幽王
嬖褒姒生伯服廢申后及太子宜臼宜臼奔申申侯
怒與犬戎攻宗周弑幽王于戲晉文侯鄭武公迎宜
臼于申而立之是為平王徙居東都王城其地則今
河南府及懷孟等州是也 申姜姓之國平王之母
家也在今鄧州信陽軍之境 許國名亦姜姓今潁
昌府許昌縣是也 鄭邑名本在西都畿內成林之

地宣王以封其弟友為采地後為幽王司徒而死于犬戎之難是為桓公其子武公掘突定平王於東都亦為司徒又得號檜之地乃徙其封而施舊號於新邑是為新鄭成林在今華州鄭縣新鄭即今之鄭州是也 齊國名本少昊時爽鳩氏所居之地在禹貢為青州之域周武王以封太公望東至於海西至於河南至於穆陵北至於無棣太公姜姓本四岳之後既封於齊通工商之業便魚鹽之利民多歸之故為大國今青齊淄濰德棣等州是其地也 魏國名本舜禹故都在禹貢冀州雷首之北析城之西南枕河胡氏詩譜卷上 云〇 云十 曲北涉汾水其地陞陞而民貧俗儉蓋有聖賢之遺風焉周初以封同姓後為晉獻公所滅而取其地今河中府解州即其地也 唐國名本帝堯舊都在禹貢冀州之域大行恒山之西太原太岳之野周成王以封弟叔虞為唐侯南有晉水至于燮乃改國號曰晉後徙曲沃又徙居絳其地土瘠民貧勤儉質朴憂深思遠有堯之遺風焉唐叔所都在今太原府曲沃及絳皆在今絳州 秦國名其地在禹貢雍州之域近鳥鼠山初伯益佐禹治水有功賜姓嬴氏其後中滿居西戎以保西垂六世孫太賂生成及非子非子

事周孝王養馬于汧渭之間馬大繁息孝王封為附庸而邑之秦至宣王時犬戎滅成之族宣王遂命非子曾孫秦仲為大夫誅西戎不克見殺及幽王為西戎犬戎所殺平王東遷秦仲孫襄公以兵送之王封襄公為諸侯曰能逐犬戎即有岐豐之地襄公遂有周西都畿內八百里之地至宣孫德公又徙於雍秦即今之秦州雍今京兆府興平縣是也 陳國名大皞伏羲氏之墟在禹貢豫州之東其地廣平無名山大川西望外方東不及孟諸周武王時帝舜之胄有虞閼父為周陶正武王賴其利器用與其神明之後胡氏詩譜卷上 云〇 云二 以元女大姬妻其子滿而封之于陳都於宛丘之側與黃帝帝堯之後共為三恪是為胡公大姬婦人尊貴好樂巫覡歌舞之事其民化之今之陳州即其地也 檜國名高辛氏火正祝融之墟在禹貢豫州外方之北滎波之南居溱洧之間其君姁姓祝融之後周襄為鄭桓公所滅而遷國焉今之鄭州即其地也 曹國名其地在禹貢兗州陶丘之北雷夏荷澤之野周武王以封其弟振鐸今之曹州即其地也 幽國名在禹貢雍州岐山之北原隰之野虞夏之際棄為后稷而封于邠及夏之衰棄稷不務棄子不窋失

其官守而自竄于戎狄之間不宦生鞠陶鞠陶生公
劉能復修后稷之業民以富實乃相土地之宜而立
國於幽之谷焉十世而大王徙居岐山之陽十二世
而文王始受天命十三世而武王遂為天子武王崩
成王立年幼不能治祚周公旦以冢宰攝政乃述后
稷公劉之化作詩一篇以戒成王謂之幽風 宣王
封申伯於謝命召穆公往營城邑 謝邑名申伯所
封國也今在鄧州信陽軍 摯國名 莘國名 虞
芮二國名 阮國名在今涇州 共阮國之地名今
涇州之共池是也 崇國名在今京兆府鄠縣 韓
胡氏詩識卷上 六〇 十一
國名 燕召公之國也 魯少皞之墟在禹貢徐州
蒙羽之野成王以封周公長子伯禽今襲慶東平府
沂密海等州即其地也 商都亳宋都商丘皆在今
應天府亳州縣界 氏羌夷狄國在西左 鎬京武
王所營也在豐水東去豐邑二十五里 鬼方遠夷
之國也 謝在今鄧州南陽縣周之南土也 鄆在
今鳳翔府郿縣 岐周在今鳳翔府岐山縣 豐在
今京兆府鄠縣終南山北 南方之國即今興元府
京西湖北等路諸州 陳在衛南 漕衛邑名 須
漕衛邑也 沫衛邑也 浚衛邑名 衛在河北宋

在河南 清邑名 鵠曲沃邑也 株林夏氏邑也
周京天子所居 幽在今邠州三水縣邨在今京
兆府武功縣 夏之後杞商之後宋於周為客天子
有事膳焉有喪拜焉者也 商邑王都也 宗周鎬
京也 小東大東東方大小之國也 自周視之則
諸侯之國皆在東方 牧野在朝歌南七十里 樞
邑于漢為扶風安陵今在京兆府咸陽縣 豐即崇
國之地在今鄠縣杜陵西南 頓丘地名 淇衛地也
屠地名或曰即杜也 殷地名 洹地名 福亦地
名 干言地名 桑中上宮淇上小地名也 彭河
胡氏詩識卷上 六〇 十一
上地名 洧亦河上地名 軸亦河上地名 方朔
方今靈夏等州之地 焦獲鎬方皆地名 獲郭璞
以為鄆中則今在耀州三原縣也 鎬劉向以為千
里之鎬 大原地名亦曰大鹵今在太原府陽曲縣
南草甫田也後為鄭地今開封府中牟縣西圃田
澤是也 宣王之時未有鄭國圃田屬東都畿內 敖
近滎陽地名也 向地名在東都畿內今孟州河陽
縣是也 兗野地名蓋遠荒之地也 三洲淮上地
周地名在岐山之南 獫狁即獫狁北狄也 方
疑即朔方也 蠻荆荊州之蠻也 戎西戎狄北狄

淮夷夷之在淮上者也 徂山名也 嶽山之尊
者東岱南霍西華北恒是也 終南山名在今京兆
府南 南山齊南山也 首陽首山之南也 東山
所征之地也 岐下岐山之下也 梁山韓之鎮也
今在同州韓城縣 泰山魯之望也 龜蒙二山名
兗絳二山名 徂來新甫二山名 景山名商所
都也 高山謂岐山也 河大河也言景山四周皆
大河也 皇過二澗名 淇水名 淇上多竹 漆
鄭水名 有亦鄭水名 洛水名在東都會諸侯之
處 沮漆二水名在豳地 芮水名出吳山西北東
入涇周禮職方作洧漢水出興元府嶓冢山至漢
陽軍大別山入江 注水出永康軍岷山東流與漢
水合東北入海 汝水出汝州天息山徑蔡潁州入
淮 涇渭二水名涇水出渭州渭源縣鳥鼠山至同
州馮翊縣入河 涇濁渭清 泉水即今衛州共城
之百泉也 肥泉水名 淇水出相州林慮縣東流
泉水自西北而東南來注之河在齊西衛東北流入
海 泉源即百泉也在衛之西北而東南流入淇在
衛之西南而東流與泉源合 汶水名在齊南魯北
二國之境 汾水名出太原晉陽山西南入河 涇

陽涇水之北在豐鎬之西北 漆沮水名在西都畿
內 涇渭之北所謂洛水今自延韋入廊坊至同州
入河也 淮水出信陽軍桐柏山至楚州連水軍入
海 豐鎬之間水多北流 洽水名本在今同州郃
陽夏陽縣今流已絕故去水而加邑渭水亦逕此入
河也 豐水東北流徑豐邑之東入渭而注于河
沃曲沃也 蠻南蠻也 追貊夷狄之國也 二國
夏商也 東南謂淮夷也 荆楚之別號舒其與國
也 大東極東也 常或作嘗在薛之旁 許許田
也 邑朝宿之邑也 北方寒涼不毛之地也 都王
都也 夏中國也 大邦猶言中國也 邦諸侯之
國也 海邦近海之國也 附庸猶屬城也小國不
能自達於天子而附於大國也 師衆也京師高山
而衆居也董氏曰所謂京師者蓋起於此其後世因
以所都為京師也 中國京師也四方諸夏也京師
諸夏之根本也 都大邑也周禮畿內大都方百里
小都方五十里皆天子公卿所封也 樂土有道之
國也 四國四方之國也 方國四方來附之國也
仇方讐國也兄弟與國也 大邦強國也 不庭
方不來庭之國 外大國遠諸侯也 下國諸侯也

風俗類

江漢之俗其女好遊 鄭國之俗三月上巳之辰采
蘭水上以祓除不祥 秦俗強悍樂於戰鬪 秦人
之俗大抵尚氣槩先勇力忘生輕死 衛國地濱大
河其地土薄故其人氣輕浮其地平下故其人質柔
弱其地肥饒不費耕耨故其人心怠惰其人情性如
此則其聲音亦淫靡故聞其樂使人懈慢而有邪僻
之心 雍州土厚水深其民厚重質直無鄙衛驕惰
浮靡之習以善導之則易興起而篤於仁義以猛驅
之則其彊毅果敢之資亦足以彊兵力農而成富強
之業 板屋者西戎之俗以板為屋 幽地近西戎
而苦寒

宮室類

官廟也或曰即記所謂公桑蠶室也 室西南隅所
謂奧也 楚宮楚丘之宮也 東宮太子所居之宮
泚水泚宮之水也 諸侯之學鄉射之宮謂之泮宮
其東南南方有水形如半壁以其半于泮故曰泮
水而宮亦以名也 宮邑居之宅也古者民受五畝
之宅二畝半為廬在田春夏居之二畝半為宅在邑
秋冬居之 天子之宮其室非一在東者西其戶在

北者南其戶 壺宮中之巷也言深遠而嚴肅也

廟中路謂之唐 巷是宮內道名秦漢所謂永巷是

也 陳堂塗也堂下至門之徑也 館舍也宇宅也

宇簷下也 穴土室也家門內之通名也 靈臺

文王所作謂之靈者言其倏然而成如神靈之所為

也 國之有臺所以望氣視察災祥時觀游節勞佚

也 靈園臺之下有園所以域養禽獸也 靈臺辟

靡文王之學也 鎬京辟靡武王之學也 庭在大門

之內寢門之外 殖殖平正也庭宮寢之前庭也覺

高大而直也楹柱也噲噲猶快快也正向明之處也

胡氏詩義卷上 王之王之郭門曰卑門 王之正門曰應門 辟壁邊

靡澤也辟靡天子之學大射行禮之處也水旋立如

壁以節觀者故曰辟靡 靈沼園之中有沼也 路

寢正寢也 寢廟中之寢也 闔門內也 一夫所

居曰廬 衛門橫木為門也門之深者有阿塾堂宇

此惟衛木為之 枋廟門內也 館客舍也 屋漏

室西北隅也 宅居也 基門塾之基 穹空隙也

室塞也向北出牖也墁塗也庶人簞戶冬則塗之町

疇舍通隙地也 大庖君庖也 冥奧奧之間也

著門屏之間也 茨草舍也 陶竈竈也復重竈也

圉圓倉也 公公所也 穴壙也 瓦紡磚也
 甕竈也 一丈為板五板為堵 約東板也閣閣上
 下相乘也椳築也索索杵聲也除亦去也芋尊大也
 岸亦獄也韓詩作犴鄉亭之繫曰犴朝廷曰獄
 中葺謂舍之交積材木也 復關男子之所居也
 翰幹也所以當牆內兩邊障土者也 繩所以為直
 凡營度位處皆先以繩正之既正則束版而築也
 載上下相承也言以索束版投土築訖則升下而上
 以相承載也 抹盛土於器也度投土於器也 削
 屢牆成而削治 冢土大社也 籬籬垣牆也 屏
 樹也所以為蔽也 鑿牆而樓曰櫺 牆垣也古者
 樹墻下以桑

人物類

文王之妃太姒 周之文王有聖德又得聖女太姒氏
 以為之配 仲氏戴嬌字也 孫氏子仲字時帥也
 子嗟男子之字也 叔莊公弟共叔段也 齊子
 襄公之妹魯桓公夫人文姜襄公通焉者也 夏南
 微舒字也 鄆伯鄆侯文王之後嘗為州伯治諸侯
 有功 南仲大將也 尹吉甫大將也 張仲吉甫
 之友也 方叔宣王上士受命為將者也 家氏父

字周大夫也 褒姒幽王之嬖妾褒國女姒姓也
 皇父家伯仲允皆字也 豔妻即褒姒也 孟子其
 字也 程伯休父周大夫 仲山甫樊侯之字也
 王季文王父也 長子長女太姒也 師尚父太公
 望為太師而號尚父也 古公號也豈父名也或曰
 字也後乃追稱大王焉 姜女太王妃也 周姜太
 王之妃太姜也 大伯大王之長子王季大王之少
 子也 姜嫄炎帝後姜姓有邠氏女名嫄為高辛之
 世妃 公劉后稷之曾孫也 穆公名虎康公之後
 厲公名胡成王五十世孫也 甫甫侯也即穆王時
 胡氏詩識卷上 六〇
 作呂刑者或曰此是宣王時人而作呂刑者之子孫
 也 召伯召穆公虎也 吉甫尹吉甫周之卿士
 顯父周之卿士也 蹇父周之卿士姑姓也 韓姑
 蹇父之子韓侯妻也 召公召康公奭也 召祖穆
 公之祖康公也 成王名誦武王之子也 文母太
 姒也 伯禽十九世孫僖公申 莊公之子其一閔
 公其一僖公 奚斯公子魚也 師尹太師尹氏也
 召公康公也

人倫類

善父母曰孝善兄弟曰友 馮謂可為依者翼謂可